

## বড়দের কাঁদা বারণ

Bookmark Publication

December 4, 2019

বৃষ্টি সেদিন ভাসিয়ে দিয়েছিল আকাশ বাতাস  
কামিনী ফুলগুলোও ঝরে পড়েছে  
নিঃশব্দে দাঁড়িয়ে ছিল যুবক  
ঝুম বৃষ্টিতে ভেজা মানুষের চোখের পানি দেখা যায় না বলে  
কেউ জানতেও পারে না মানুষটা কাঁদছে।

একটা বয়সের পর নাকি কাঁদা বারণ  
বড়রা নাকি কাঁদে না,  
এই অধিকার নাকি নেই।  
বড় অন্যায় এই নীতি, বড় অন্যায়!  
সময় আসলে প্রকৃত পুরুষও কাঁদে, আলবৎ কাঁদে।  
কিন্তু নিয়ম মানতে হয় বলে, বারণ বলে  
বৃষ্টির জন্য সে অপেক্ষা করে, কেননা—  
ঝুম বৃষ্টিতে ভেজা মানুষের চোখের পানি দেখা যায় না  
কেউ জানতেও পারে না মানুষটা কাঁদছে।

কবিতা: বড়দের কাঁদা বারণ  
রচনাকাল: ২ এপ্রিল, ২০১৯